



## **TOSHKENT DAVLAT YURIDIK UNIVERSITETI REKTORINING B U Y R U G ' I**

07.03.2024

148-tm-son

### **Talabaga hayfsan e'lon qilish to'g'risida**

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi va boshqa ichki hujjatlarni buzish holatlari kuzatilmoqda.

Jumladan, universitetning Xalqaro huquq va qiyosiy huquqshunoslik fakulteti 1-kurs talabalari Ahmadjanov Ulug'bek Hamidbek o'g'li va Xayitov Doniyorbek Ahadjon o'g'li 2024-yil 23-fevral kuni soat 16:25 larda universitet hududida o'zaro tortishib qolgan.

Aniqlanishicha, U.Ahmadjanov kursdoshi D.Xayitovning qo'l telefonini olib qo'ygan va kursdoshlari bilan tanaffus paytida universitetning birinchi va ikkinchi binolarining o'rtasida joylashgan kitob do'koniga kitob sotib olish uchun borishgan. D.Xayitov talaba U.Ahmadjanovdan telefonini berishini bir necha bor so'ragan. Lekin, U.Ahmadjanov uning telefonini bermagan. D.Xayitov telefonini olish uchun U.Ahmadjanovga tegingan vaqti U.Ahmadjanov uni yerga yiqitgan. Shundan keyin D.Xayitov jahli chiqib talaba U.Ahmadjanovning yuz qismiga musht tushirgan.

Mazkur holat yuzasidan U.Ahmadjanov o'z tushuntirish xatida D.Xayitovning qo'l telefonini olib qo'yganligini, telefonini berishini bir necha bor so'raganiga qaramasdan bermaganligini, telefonini olish uchun xarakat qilgan vaqtida uni yerga yiqitib yuborganligini qayd etgan.

Shuningdek, mazkur holat yuzasidan D.Xayitov o'z tushuntirish xatida U.Ahmadjanovdan qo'l telefonini olishga xarakat qilgan vaqtida U.Ahmadjanov uni yerga yiqitib yuborganligini, shundan so'ng jahli chiqib talaba U.Ahmadjanovning yuz qismiga musht tushirganligini qayd etgan.

Yuqoridagi holatlarni voqeaga guvoh bo'lgan fakultetning 1-kurs talabalari M.Pattoyev va K.Eshboyevlar o'z tushuntirish xatida tasdiqlagan.

Talabalar U.Ahmadjanov va D.Xayitovlar mazkur harakatlari bilan TDYU Odob-axloq kodeksi 17-moddasi 4-xatboshisi (tinchlik yoki osoyishtalikka qarshi tajovuz qilish va janjallashish taqiqlanadi), 18-moddasi 2-xatboshisi (xodim va talabalar o'zaro munosabatlarda inson qadr-qimmatiga hurmatsizlik, shaxsiyatni kamsitish, o'zganing intellektual mulki yoki boshqa ijod mahsulini ruxsatsiz o'zlashtirib olish, qo'pollik, behayo so'zlar ishlatish, mushtlashish qat'iyan man etiladi) talablarini buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 17-moddasi 4-xatboshisi, 18-moddasi 2-xatboshisi hamda universitetning Ichki tartib qoidalarining 83-bandiga asosan

### **BUYURAMAN:**

1.Universitet Odob-axloq kodeksi 17-moddasi 4-xatboshisi va 18-moddasi 2-xatboshisi talablarini buzganligi uchun universitetning Xalqaro huquq va qiyosiy huquqshunoslik fakulteti 1-kurs talabalari Ahmadjanov Ulug'bek Hamidbek o'g'li va Xayitov Doniyorbek Ahadjon o'g'liga hayfsan e'lon qilinsin.

2.Fakultet dekanlari (D.Umarxanova, D.Kamalova, B.Musayev, Sh.Saydullayev, A.Babadjanov) mazkur buyruq mazmun-mohiyatini talabalar e'tiboriga yetkazilishi va keng muhokama qilinishini ta'minlasin.

3.Xalqaro huquq va qiyosiy huquqshunoslik fakulteti dekani (D.Umarxanova):

mazkur talabalarning shaxsiy hujjatlar yig'majildiga buyruq nusxasi tikilishini ta'minlasin;

mazkur holat takror sodir etilsa, talabalarni talabalar safidan chetlashtirish mumkinligi to'g'risida ogohlantirsin.

4.Mazkur buyruq bajarilishini nazorat qilish prorektor A.Xashimhonov zimmasiga yuklansin.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

D.UMARXANOVA

**Kelishildi:**

Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV

